

皇清文穎續編

皇清文穎續編卷七十五

詩

七言古詩

恭和

御製窩集行元韻

羅源漢

遠望疑深山行近悟平陸一逕曲而通森森萬株木  
登臨所見林箐頻分行列隊如兒孫斧斤不到厚鍾  
毓麋鹿游息恒成羣停鞭回顧失谷口萬馬在前車

續後來道撐天蔽日光但見西風木葉走秋霜染出  
半丹青非槐非柏難知名自生自植幾千歲欲考其  
實安從徵翹柯應復藏異鳥雨露濃多長芝草人世  
仙源不易求白雲蒼鬱寧迷道長途往日經行處度  
嶺踰岡皆古樹爭如窩集更足觀廿里茂林生宿霧  
景光倏忽易彼此試舉他山莫與比千回百折只龍  
蔥好景兒來能有幾引人入勝奇復奇畫師有筆應  
難爲土高脉厚積鬱久磅礴發露恒于斯須與迴照

天光清遙聞落磡流泉聲豁然開朗喜空濶馬頭更  
向西南行

恭和

御製窩集行元韻

錢汝誠

陰寒生沮洳潤驥滋阜陸遂使長養功到此鍾於木  
入林祇覺經過頻宗生族茂蕃子孫蔽虧扶桑氣葆  
蕭萬馬踏踟驕斂羣俄焉若塞土囊口臃腫蟠纏  
前後枒槎曲徑不可通蟻緣一線但却走喬松蒼古

樺柞青其餘蔭藟難以名柯莖撐拏互糾結葩經欲  
識無旁徵縈岡絡磴絕猿鳥蚶蝮黃熊出豐草神仙  
窟宅疑在焉乘蹻行虛茲取道千年落葉最深處蘚  
剝難分石與樹巖兩何曾到地流晴天自散漫空霧  
鄧林若木孰逾此闔關以來罕倫比斤斧天全非不  
材輪蹄秦漢曾經幾廣生富媪寧示奇偶然類聚莫  
之爲人情駭所未及見荒遠靈異恒如斯

禹乘來過埃埭清山圖赤斧自揚聲豁然奧境開平

遠回望構椽正曉行

恭和

御製廣寧道中元韻

劉綸

辰韓勝蹟重行行  
鑿閭爽氣紛來迎  
馬首城闈青一綫  
中屯右衛傳前明明  
祚不綱經寇亂上將  
多出權門薦監軍箕  
踞漫指麾武夫睥目  
甘投竄勝題鐵券  
稱故家頭銜烏弈曾  
建牙充國籌邊誰得  
策廉頗健飯徒相誇  
前後戚多建置三三  
百年餘無戒備部下

那禁悍卒驕廷臣不惜河湟棄黃支之南大夏西  
聖朝威德風雲馳誓師城下稻梁滿障鷹臺邊婦子  
熙塞民力穡惟務本夾路歡迎

天日近

昇平繪畫愜

宸襟滿嶰丹黃秋色晚

恭和

御製廣寧道中元韻

錢汝誠

紫蒙戍外

蹕輦行名山奉職遠導迎鷹窠馬市不可辨廢壘懸  
懸寒原明甲子興亡緬征亂經臣起用臺臣薦兩端  
首鼠熊與王至竟敗師同一窟黨援相顧寧忘家雄  
兵六萬空建牙衣冠沐浴者誰子僚屬徒以殉國誇  
瀋陽奉集幾屯置轉輸終爲

興王備鶴唳風聲駭聽聞鼓聲未動城先棄邊烽直  
接長安西倒戈徒旅紛交馳

王師不戰固無敵永清弈葉垂雍熙上

陵水木溯源本旋輿路指雄關近經過古縣識遺踪  
望海堂前日未晚

恭和

御製題趙孟頫吹簫士女用宋濂韻元韻

蔣溥

紫簫泠泠吹應指碧欄十二秋如洗數聲鸞鳳迴穿  
雲一朵荷蕖鮮照水羅衣裊摺淡不紅仙人住處烟

朦朧曲終倘似江上瑟出聽豈有波間龍優柔溫潤  
響還咽瑤階落遍梧桐葉翠縠停搖扇柄風銀蟾半  
瀉簾鉤月寒倚朱脣殷若血坐吹不動聲疑裂

恭和

御製固爾札廟火用唐韓愈陸渾山火和皇甫湜韻

並效其體元韻

蔡新

穹窿蒼昊高蓋渾覆嶠之下同生源如何弱肉強者  
吞妄分畛域輕與軒阻兵安忍將自燔惡之易也如

燎原

聖人御極中乾坤聲教四訖窮邊垠伊犁迤西山作  
垣世濟其凶萃一門似入昧谷窺晨暉羊狼狼貪捷  
勝後蠶食諸番如解鼃沐猴高坐希金鷄

王師涖止駭且奔狡賊思竊夜郎尊煽惑賈禍嫁祇  
圍黃衣胡僧徒實繁罔修福因佐騰喧更唱迭和箴  
繼填憶昨來

朝豎降幡狐裘蒙茸憤鼻禪低首下心高尻臀乞身

歸命叩

法轅衣之文綺飾橐鞬願備前驅典屬幡仗我

皇靈揚緇帑不思飲至助執幡野心難攝仍蜂屯黃  
教自覆孟蘭盆止湯揚沸蛇影罇

帝乃震怒寂無言祝融飛旆火輪翻紅雲噴薄風不  
反碧眼瞿瞿瞪兩暖西土於今淨業根毋俾醜類長  
子孫鞞鷹雖鷗絛挂跟覆載豈容負

君恩包藏禍心當喪元藉佛媚僧互扳援焦爛爲徒

勿復論惡孽已貫達九閻天火廓清餘燒痕佛光助  
順穢游魂狙詐妄訴青蠅寃誰假一枝聽自存洛那  
汝鄰豈汝殮視汝爲寇匪媾婚尙何相倚爲弟昆  
脆次且走蹲蹲羽翼已盡難飛騫神人上下悉恫怨  
天戈指顧戮鯨鯢能分玉石炎崑崙洗兵時雨在朝  
昏何以下之此廟焚

帝庸作歌聊遣煩雲漢爲章高莫捫

恭和

御製固爾札廟火用唐韓愈陸渾山火和皇甫湜韻  
並效其體元韻  
裘曰修

伊犁河水流渾渾遼哉澗矣難窮源繫誰踞此事并  
吞明馳大馬乘高軒劊牛屠羊日炙燔有元僕隸遠  
莫原夜郎倭欲驕厚坤黃沙漠漠不可垠干山翠嶽  
爲籓垣行無次舍居其門西視夕月東朝暎趨足捷  
步輕於猿種人戢戢頭如龜彎弓擬射雲中鵠格鬪  
猛獸工狐奔噶爾丹乃僭自尊爰棟爰宇祇樹園四

圖什墨徒衆繁犯我屬國塵屢誼二子相倚鏡共垣  
謂大小策楞敦多布豈期再世來降旛部落饑散衣無禪雙手

反縛尻其髻務面接踵投我轅我師旣入垂左韃惟  
我置吏馳熊幡廟前轟轟颺風帑準夷忽諸祀絕牖  
何來蟻聚兼峰屯瀟螺聲寂傾香盆熬茶酌酒餘空  
罇吁嗟逆豎罪可言阿睦撒納性覆翻迷惑向背成  
偏反搖搖睽睽兩暖其詞浮游靡定根其人何氏  
之子孫如衣無緣履不跟輕負大信辜

天恩神明鑑之喪厥元走投大宛孤無援

上帝赫怒重典論祝融承

命下九閻殃及蘭若無留痕警動亂魄禿游魂新鬼  
哭訴故鬼寃金容繪象那復存我師再到迎壺殮男  
爲謀匹女爲婚坐今安輯貽後昆

穹碑深刻龜趺蹲

新詩又覩高凌鸞一洗魚海銷愁怨南溟有鵬北有  
鯢版圖所極環崑崙荒煙毒霧何由昏我師拯溺還

救焚黃帽讚誦空爾煩尚亦人類心試捫

恭和

御製固爾札廟火用唐韓愈陸渾山火和皇甫湜韻

並效其體元韻

紀昀

山河兩戒開胚渾氏羌西阻星宿源三十六國初并  
吞荒臺猶自避帝軒漢唐而後劫且燔每乘月滿窺  
五原

皇帝大德彌乾坤梯航琛幣通無垠彼昏獨不款塞

垣我師昨歲出玉門寒霜忽照扶桑暎三千犀手臂  
如援駕梁府叱噓與龜彎弧仰落雲中鷓鐵山蹶碎  
昆彌奔方其先世竊自尊黃金布給孤獨園四西勒  
圖醜類繁多羅貝葉梵唄喧唱和雜選如篋墳微言  
詎辨風與旛局促真似蝨處禪所見不過尻兩臂聞  
我師至叩我轅焚迷迭香迎橐韃初如馴鹿隨朱轡  
反覆忽似風中絮

帝震怒不羞其幡赤虬遣下烟焰屯火鞭摧拉蓋爾

盆獻花不賸瓶與罇冥冥杳杳如有言懲爾助逆雲  
雨翻業重不得邀平反善神旁睨睨兩暖贊歎佛力  
淨六根昔佛心印傳法孫俾參妙諦窮肘跟爾胡狡  
黠辜佛恩奇鷓寧免墮厥元菩薩千手猶難援婆羅  
門技何足論試看祝融下九閻剝那祆廟焦土痕焚  
巢實以虢女魂寧不自悔心煩冤彼貳負臣今雖存  
不過狼狽求盤飧無弋那得剽女婚大宛況非厥弟  
昆枯林肯讓寒鳴蹲羽毛摧頽難飛騫卽擒妖烏雪

衆怨安能變化爲鵬鷖不信但望西崑崙  
光昏昏古云不戢終自焚片言居要無須煩番雜滿  
夜心自捫

恭和

御製固爾札廟火用唐韓愈陸渾山火和皇甫湜韻  
並效其體元韻

錢大昕

玉關以外逾羌渾伊犁河水無盡源洪波奮淪自吐  
吞上有祇林高以軒齋魚粥鼓香薪燔剝竿百尺凌

遙原部婁輒敢矜厚坤問誰初建來西垠瓦刺遺孽  
盜塞垣彎弧鳴鏑窺花門張眼不識扶桑暎爰爰者  
兔啾啾援嘯聚蜂螳驅魚鼃腐鼠漫欲同遊鴟眈眈  
虎視兼狼奔一傳而後彌自尊鳩材爰構毗嵐園莖  
芻優婆類實繁偏袒膜拜喩誦喧法螺王師間麈尾  
蠢爾詎解參風旛失笑何異蝨處禪梵相殊詭露肘  
譬鳩槃藥叉旁挾轅天魔鬼母弓垂韃人非人等拳  
朱幡廟門空爾颺風帟神不顧饗其脈膺前年

天兵戊巳屯日昭昭兮照戴盆番落鞠臆陳酒罇彼  
狡豎罪何可言煽誘黃帽心覆翻干

上帝怒難平反祝融承命頰兩暖除惡務絕其本根  
一花五葉紛兒孫若冠有綉履有跟合掌不知報佛  
恩迅掃惡業還真元轟礮砰磕不可援懲汝助逆并  
案論雷車虹刺燭九閻青紅像設無留痕天意禱爾  
貳負魂膽裂魄慄心煩冤犇竄大宛難久存宵無慮  
帳朝無殮烏合數輩豈世婚

王師再舉出堅昆布陣雲立還山蹲怪鷗那許飛騰  
鸞渠魁斯得土雪怨誓批猊獠屠鯨鯢大書深刻銘  
崑崙日月所燭警昧昏除殘不愁玉石焚天人感召  
非虛煩迷瞶罔覺心爾捫

恭和

御製蕃劍行元韻

蔡新

森森練影輝秋塘星精烟爍吐光芒虎氣龍身逞奇  
怪致自僻遠來殊方我

皇威德震絕域獻琛貢齎輸肝腸昨歲興師入伊犁  
準夷舊部失厥強寡妻弱子扶攜至獻此青萍佐戎  
行此劍由來彼所貴指揮縱橫勢莫當迄今摧拉如  
枯朽歸我武庫同尋常盛衰倚伏關人事特灑

宸章紀其詳不寶遠物遠人格自古有道昭靈長區  
區一劍何足恃恃險與馬終淪亡我民賣刀不佩犢  
兩階干羽歸

帝聞此物從茲示勿用加以夫櫬櫝以藏加以夫櫬

積以藏守在四夷輩我

皇圖永未央

恭和

御製蕃劍行元韻

紀昀

蛟龍不肯居窳塘會乘雷電騰精芒寶劍誤落黠寇  
手時來終得歸

尚方憶昔潢池頻盜弄人人擬劾妖蔓腸骨騰肉飛  
不可制兩臂欲挽千觔強封狼豕羆況共穴一豎相

濟如雁行是以憑陵肆捕噬黃支烏弋無人當時移  
勢易雄虺噴殄除凶逆天之常此劍流傳不敢用貢  
之

天子言其詳天馬東來歷無阜流沙積石道路長楛  
矢旣入周益盛湛廬所去吳斯亡開匣三尺淨如水  
爛然虎氣輝

紫闥始知神物思利見通靈之質不久藏通靈之質  
不久藏行見白環玉瑄入貢未渠央

恭和

御製蕃劍行元韻

錢大昕

清波淬鏑澄寒塘流星迸采飛電芒細觀不類昆吾  
鑄渠叟作貢輸尙方天山之西梅嶺外重崑百折如  
羊腸額魯特部昔屯據夜郎自大矜豪強控弦十萬  
隨指嘖谷蠡左右分成行就中有人最趨捷雄視开  
罕兼燒當淬磨霜劍新出水按鐔四顧非尋常傳聞  
風雨匣中吼恍惚變怪難具詳分爭廿載倏彈指電

光石火寧久長此劍豈有神護守不隨兵燹俱銷亡  
一朝持獻詣

闕下從官傳視趨

紫闥由來神物歸

有德什襲合備

天家藏什襲合備

天家藏熊熊煜煜光氣騰未央

恭和

御製自金山放船至焦山再疊蘇軾韻元韻

錢維城

海門雲樹遙眈眈混茫大氣函東南焦先一嶺配浮  
玉當年開徑無三三嵌崖鑿厂古蘭若迴盤磴道疑  
魚蠶華陽真逸此瘞鶴書比逸少會無慙遺碑欲訪  
水方漲迅復但俯蛟螭潭是時東風來浩蕩江天萬  
象浮春酣岩花爛漫艷鴛錦林鳥格磔踰雞談蘭椒  
竹嶼互出沒烟霞忽起當松舍龍翳蔬不減伊蒲供滌

茗仍試銅瓶甘何處椰聲來閣閣浮家生計原非貪  
山情水態兩奇勝欲賦祇恐才難堪一痕北固逗窺  
翠又隨

仙仗移雲庵

恭和

御製自金山放船至焦山再疊蘇軾韻元韻

錢汝誠

曠曠旭日紅耽耽亭午風色吹東南羽林命楫拽帆

布海門髣髴神山三回首妙高峯隱約塔影瘦立如  
僵蠶重登興過坡老健斲任意豈焦先慚潮痕伸縮  
驗靈壁龍氣出沒窺古潭解籜叢篁飛粉膩著花老  
樹圍紅酣

周覽清娛憶疇昔自有新得非陳談瘞鶴猶傳逸少  
筆象教永鎮彌勒龕古物剝蝕精氣在譬入老境甘  
蔗甘小臣珥筆才譎劣但聞勝槩彌懷貪茲山況當  
江海會趨陪未獲情何堪

虞廷賡歌傳世澤紀

恩用敢銘漁菴

恭和

御製汲惠泉烹竹爐歌疊舊作韻元韻

程景伊

九峯縹緲仙蹟聞金堂石髓誰曾分惟有乳泉走天  
下騷人遊士來呼羣桑苧老翁老好事斷斷品第超  
凡塵湖山秀味恬且逸譬如人士多溫文誰將竹

易石銚螭眼魚眼揚清芬當時手製本性海自出新  
意非因陳流傳屈指數百載名山風味夙所敦至今  
微物宛然在火傳不盡寧關薪松庵一椽蔽青翠香  
雲花雨交紛紛王生作繪擅墨妙俗手摹畫奚足云  
我

皇來游再汲水重竟疊詠精衡權漪瀾堂前奎壁煥  
此山面目真還存風流此後照千禩湖光不斷山長  
新自茲東去五百里幽泉怪石盡可珍幽泉怪石盡

可珍留題一一荷

聖人

恭和

御製觀採茶作歌元韻

于敏中

山中採茁山民喜採得頭條足生理攜筐挈籠紛可  
觀村歌相應羣嬉然風篁嶺邊梵村路盡是山家綠  
襟處節氣正逢嘉雨前踏遍春山不辭劬旗槍細嫩  
帶露挑蒲言采采須晴朝赴時自爲衣食計豈知耕

覽停

鑿鑿供備獨嫌前日僞

愛此山民習勤意茅檐辛苦傳

詩歌焙茶香勝煎茶味

恭和

御製泛舟後湖攬古元韻

程景伊

春流淡沲開平湖新燕掠水魚依蒲江寧觀風有暇

日

龍舳坐攬清輝娛蕭齊疏鑿爲習戰大纛長戟明幢  
艦卽今魚鳥華林路勝槩豈與昆明殊北望鍾阜插  
翠嶂石壁返照鋪畫圖魚蝦菱芡用不竭佳景況與  
豐年俱晚風弭櫂送餘善圓沙厯厯眠鷗鳧

恭和

御製秦淮歌元韻

蔣溥

洪漭江山龍虎氣北湖渺漫連南埭蔚藍十里貫城  
流烟月南朝經幾世祖龍當日開清淮赭衣鑿破方

山隈豈知興廢在人事山川豈解爲秦災風輪彈指  
歸陳迹夾水頻更新第宅樓頭幾對暮山青簫鼓空  
隨流水碧遙遙六代都秣陵月明千古石頭城新燕  
已迷前日壘流澌猶作昔年聲春風兩岸流鶯擲柳  
色濛濛烟似織腸簫響處度清明

玉輦來時過寒食板橋前代多名倡河房絃管奏伊  
涼何如此日昇平曲父老迎

鑿水一方

恭和

御製泛舟長江夕景元韻

梁詩正

埴鈴不語囊天風金焦兩點明虛空京口一呼瓜步  
應問渡人在琉璃中舟人進舟

帝曰可江妃水仙舟尾坐鏡光一片艫劃開岸草沙  
禽共澹拖白日西頽逼下春妙高臺外紅輪紅須與  
昏黃互變滅野烟彌望千山同爲憶江南歌宛轉清  
夜遊傳興不淺我

皇迴鷓戒流連宮樹參差猶可辨

恭和

御製玉盤謠元韻

董邦達

古來良璧誇盈尺茲器圍三六倍益來自玉河逾積  
石雲破天清一色碧以肖湯盤被潤澤方行天下邁

禹跡

帝圖綏遠窮崑崙條支烏弋罔弗賓乘槎直溯天漢

津廣宣

聖化中衢鱗稽首拜獻重器存歷劫不損精神完攷  
古何止五鳳年因知此盤出非偶西域沉淪外府守  
天文筵仗凶殘取殲厥渠魁獲羣醜鹿駭林中鋌面  
走萬里頭顱竟何有降者奉璋位左右臣聞樹德務  
在滋

皇握大寶垂裳衣還淳返樸捐珍奇盤以被濯古訓  
師能用休光致緝熙遂開

明堂坐治之肆駕大輅輪惟椎

恭和

御製叢薄行元韻

劉統勳

深山風起來彫虎如賓仰羅子隨母一聲吼裂青山  
岡百獸倉皇遁林莽是於獸中最猛鷲覆巢當使無  
完卵中黃之士髮如竿血喋長矛猶拘怒餘二虎子  
氣雖雄奮臂搏生爭自詡其一猶須掎角之一乃獨  
擒出平楚直入其穴取其子能縛堯題置柙檻此有  
餘勇非空言聊使遠人旁一睹遠人驚嗟目未睹其

播威名摺頑魯

恭和

御製登定光塔作歌元韻

董邦達

崑崙北幹千疊山一股橫出畿東間巫閭以旁雄氣  
勢茲乃秀拔殊羣巒自從軒帝訪道後孤松落落藤  
誰攀高標岌岌繫倒景銅鈴空向風中言我

皇垂衣天下治

恩威兼濟幾神閒康居回紇爭入覲

萬乘雷動趨屏顏方當坐覽收八極遠覆西海蒼生  
全九層高頂實天上俯視三十六國膜拜嵩呼前

恭和

御製密雲行元韻

蔣溥

白檀古鎮橫塞雲憑高勢與千峯隣金溝石匣遠相  
抱環衛畿輔屯雄軍勝朝備邊稱重地兩壙截業形  
猶存當年大璫出節制但糜廩餉貪私恩豈知控禦  
自有本眼前阻要何足論

清時耕鑿安閭左中外一家同視可龍沙萬里盡封疆設險寧誇滿隘鎖

鑾輿所過咸悅服山城歲歲沙田熟斜陽影裏戍旗閑詎識當時戰征躅由來長駕在德威

聖武當陽撫馭足庠奚父老奉

時巡斯今永拜承平福

恭和

御製密雲行元韻

陳兆崙

白檀形勢遮燕雲外垣迫與邊笳隣十六州倚爲門  
戶權璫饋帥可能軍上溯山前與山後纍纍遺堞今  
猶存當關一夫或非任戰場直接貝與恩總由中外  
未統一紛紛代謝寧須論我

朝徭戍息閭左守險今知惟德可自地以上天之中  
四塞山河作關鎖此於

神畿爲甸服

雲日瞻依來往熟那有官書促踐更只似門庭徐布

躡大哉

王言敬與勤囊括六經無不足  
昔槍沙戟化畊犁永  
賴

廟謨胥受福

恭和

御製密雲行元韻

孫灝

嵯峨雉堞高拂雲兩城羅絡儼結隣  
雄關地衝控古  
北大帥坐制如茶軍

聖代邊疆鞏磐石桑麻被野淳風存扶鳩白叟者巖  
谷太平鼓腹皆銜

恩煌煌

天語訓在德設險豈以金湯論白河右繞潮河左攬  
勝軒頭凝望可逶迤一徑南天高曠蕩三邊北門鎖  
勝國貂璫著戎服此地屯軍金魚熟空將塔廟委金  
錢怖鴿飛來認遺躅蒙恬城築何太長函谷泥封終  
不足惟有

皇朝恩入人於萬斯年

天福

恭和

御製密雲行元韻

金 姓

連城橫截如連雲密雲近與懷柔隣前明重戍控邊  
塞右貂擁節稱監軍坐糜餽饌建塔廟蝸聳兩角今  
一存平居但解覲佛祐臨難豈識酬君恩偶留陳蹟  
亦殷鑒

天旨垂戒寧空論勇夫重閉計非左設險籌邊無不  
可卽今王道蕩平時闔扇幾資魚鑰鎖威弧月滿天  
狼服扈

蹕諸番合生熟兩河交滙避金堤載績禹功欽遠矚  
乘時在德罷傳烽今實有餘昔不足塞垣遊豫往來  
頻中外一家同禔福

恭和

御製喀什噶爾回眾投誠詩以紀事元韻

蔣溥

西陲頻年凱奏營惟餘回部四大城久聞內面拔其二逆酋喪膽已足徵此城更號賊巢窟豫積輜重屯番兵分城策應連兇弟冀緩膏斧鳥獸騰

皇朝武畧本無外絕徼亦使歸清寧連山沉沉鼓角動蔽野閃閃旌旗縈長驅回部布德意紛紜務面歸誠師行分道壓其境先摧敵勢破敵情渠魁亡命棄阻隘茫茫窮髮思潛行彼舊伯克知効順夜中遣

使投軍迎書詞慕化致衷款如子依父弟戀兄荒服  
雖遠托宇下爾安爾堵全爾生是時

至尊方啟蹕秋蒐塞外揚

天聲馬蹄絡繹頻送喜洵由師武兼臣能自從春初  
拔壘出暫休士卒期遐征疾徐虛實秉

廟算滅此朝食機堪乘塞天萬里如燭照猶覺持勝  
心怦怦檻中未容狡兔脫車下那許螳螂撐兵鋒所  
指勢瓦解倒戈鈐甲頻相仍由來虜亂有

天討尺箠驅使敢不聽游魂遠竄安所適曾見俘獻  
無煩偵大開

明堂奏朱鷺廓清西極膚功成

恭和

御製喀什噶爾回衆投誠詩以紀事元韻

孫顯

將軍大纛森連營環甲闔外膺干城逆回負

恩罪無赦師直爲壯古有徵鐵騎新添二萬匹索倫

熊虎稱精兵是時兩軍分道出豈惟士飽兼馬騰誓  
掃機槍捲妖霧烽烟永靖遐荒寧

國家用兵匪得已

九重宵旰心常紫軍書萬里昨送喜喀什噶爾聞投  
誠逆賊狂奔等鼠竄部落離叛紛同情草間泥首望  
風集延頸仰顙

王師行

天戈有如時雨降人意已見壺漿迎蠢爾么膺和卓

木狼狽特倚弟與兄卽今夾寨兩師併釜底無處容  
偷生回城大者凡有四其三膽落驚先聲窮猿穴木  
勢實蹙狡兔營窟知何能從來討罪用撻伐王者無  
戰而有征小醜稽誅衆所憤渠魁就獲機堪乘雷霆  
行空號令肅風聲草木遊魂怛蟲沙雨酋爾何物萬  
鈞敢以螳臂撐佇看囊弓符載戢捷音騰奏來頻仍  
燕然勒銘歸飲至饒歌笳鼓途人聽梯航絕域咸內  
屬邊徼不煩一卒偵

山龍垂裳布文治簫韶樂備徵九成

恭和

御製喀什噶爾回衆投誠詩以紀事元韻

劉綸

花門窟穴紛狡營鑿垣相屬稱完城

王師所過盡拉朽日下十二其明徵子乎纍卵僅存  
兩附塗柵木棲殘兵葉爾羌城外震讐喀什噶爾中  
閩騰此中退保大和貞春前鍛羽神陸寧幕上烏飛

計未決山間鶴唳愁先縈元戎將臨謀以報肉袒自  
解當披誠違天不祥古所訓出牢反噬伊何情譬彼  
野鷹畏絲旋此連雞者還偕行壽虛別有布魯特驢  
除前路偏裨迎藉辭箕斂腹部曲曰汝子弟供父兄  
乘甲而譁脅從怨草間那忍隨偷生降書高捧到麾  
下豎領張臆揚

仁聲蟻惟封埵繩墮坎欲見

天日將安能從來鼠竄要匿影獨夫鋌險常宵征攜

妻孥子載輜重所至蹋迹無難乘十千之人心亦萬  
吹箏喘汗方怵怵腹背不支應早悟繫夔一足誰爲  
撐伊吾瀚磧神漢涌及時好雨還頻仍爾曹返正歸  
按堵爾田爾宅咸爾聽方今兔脫須臾耳前鋒間道  
已往偵佇看藁街縛戎首獻俘

廟社豐功成

恭和

御製喀什噶爾回衆投誠詩以紀事元韻

周 煌

捷書來自將軍營云是萬里降番城

天王秋獮

駐行在報至不啻先期徵幾年

命將定朔漠羽林神策稱天兵  
貔貅猛氣自勇決驥  
裹逸足元驍騰遠窮河源極海  
滌土不接戰人救寧  
先後俘獲獻

廟社紛紛白組如交縈  
回部是時蒙再造律以常分

宜抒誠

帝恩縱不責施報若遂反噬寧人情迴師索賊賊竄  
伏鼠穴詎足當車行去年二城先納款至是大舉爭  
來迎只餘和卓不自保焉有急難從弟兄覆巢定然  
卵亦毀遊釜那可魂更生此時旣已收後勁在處奚  
止揚先聲諸番小弱撤屏蔽欲就延喘其何能大宛  
勃律塔什罕翻然內向隨鴻征爾回已自愧後至敢  
復負固高墉乘殲渠宥脅有

明詔衆喜過望寬心怦大荒之外暗龍燭

天與日月長杠撐故知聲教盡絕域回面稽顙還頻  
仍

宸章七字邁謨誥傳示中外神人聽妖氛只藉

睿謀掃斥埃何煩羅卒偵

微臣

執戟綴豹尾願頌

聖德膚功成

恭和

御製喀什噶爾回衆投誠詩以紀事元韻

金 牲

流星驛騎馳行營金風送喜繞幔城儒臣罔測軍事  
秘

睿藻垂示吉語徵逆回背德逞旅距稽誅詎可迴天  
兵憑教免脫倚三窟窮追疾擊如鷹騰久懲縱賊必  
遺患肯惜暫費忘永寧師分兩路各深入圍合一網  
常交縈逋逃毋俾有佚罰脅從仍許來輸誠吾

皇威德暨荒外輻湊並進原同情醜徒已復隨雨散

弱種誰敢干雷行爭先脫帽抱馬足不減肉袒牽羊  
迎渠魁驚迸訊何在斷鴈勢難聯弟兄應知

覆載本寬大鼠入牛角無餘生夙沙行見被縛急家  
衆且笑哀號聲況以將軍奉

神武雙鷗疊貫推精能師不在衆衆多助降番踊躍  
皆從征執俘折馘并來獻縱限西海浮槎乘聲靈赫  
溜震月蝟陸誓水慄咸怛怛蔓草應時看淨雍朽株  
何地容孤撐勢窮那得觸藩退掇取正須攘臂仍由

來兵策貴神密奏功任詠

天章聽一家中外更清晏四極尉候閒覘偵威弧載  
橐武節偃不擬軒黃誇勒成

恭和

御製灤陽別墅放歌元韻

程巖

雄關北去路一線地勢忽敞爲灤陽昔之朶顏三衛  
境戎索所限天各方靈區遂莫啟無由自開張譬如  
仇池穴拋落歸氏王勝境不得居中邦琪花瑤草亦

僅同蕭薌空餘疊障多紀堂只疑神丁未鑿巨靈未  
劈陶輪一掌擲大荒詎知入我

聖朝作郊甸

行殿一闢景倍常橫空爽氣最宜天峭涼灤河如練  
澄於江

翠華來此暫臨駐四山佳氣增鬱蒼林霏靄瀉湍流  
湯湯比戶烟火滿野耕桑嘻乎百餘年前此地豈非  
番部之所蕃牛羊

恭和

御製玉盤謠疊舊作韻元韻

觀保

邊氓墾田耦一尺二萬式廓十朋益榮光陸離出沙  
石擊來猶帶土花碧纈密以粟溫潤澤渾璞絕去雕  
鏤跡團團皓月升崑崙名玉當日列九賓犁庭輦致  
逾通津一盤已耀商周罇此盤繼獲兩美存坤祇獻  
瑞仍堅完遐哉不數瑤池年申重

天貺事詎偶玉府藏之典瑞守異物非貴貴

德取

睿藻引伸紀執醜琳琅錯落真珠走

鴻篇王會占大有圖球在左弓矢右三靈効順地寶  
滋

明堂法物臨

袞衣爲圓爲玉合璧竒一家中外仰

君師卮匱敦牟介

壽熙三股俘玉載銘之解環陋矣齊人椎

恭和

御製玉盤謠疊舊作韻元韻

寶光盈

伊犁獻琛疊盈尺或言此乃

天所益洞陰凝液韞穹石何代神工劖寒碧巧琢雙  
盤粟以澤作鎮幕庭示靈跡昨者

王旅踰崑崙西極條支南闕賓用俘其一蒲類津回  
筊佛鉢和闐罇輸將絡繹

御府存茲盤後至乃善完合璧紀瑞辛巳年天珍地

寶出非偶窮荒大漠神鬼守狂獠矚眙不敢取俟清  
絕域掃羣醜如傅翼飛引脛走軍屯犁田貢厥有逾

二萬里陳

座右雙盤激射虹氣滋五色流燭

山龍衣詎因致遠誇方奇顧茲倍

厘惠我師

帝歌垂戒恬與熙敬誦萬遍由繹之銘盤深刻當雉

椎

恭和

御製自金山放船至焦山三疊蘇軾韻元韻

雙慶

禪牀何處龍象耽好山多在江南南金焦兩點中央  
起更與北固稱爲三金山樓閣照江面飛甍雕檻密  
似蠶焦山隱晦若處士蓬頭王霸何常慙高帆劃江  
指定慧煙蘿百尺交巖潭潮音乃與鐘響答颯颯入  
耳笙歌酣天香法鼓合

神契贊歎真欲并舌談光怪龍文鬱寶鼎莊嚴佛影  
承銀龕江邊擾擾此山靜悲喻始信摩頂甘老僧微  
笑領幽寂知爾無事勞牽貪中江長老玉局友僧也  
繼之雅亦堪

天書重煥瘞鶴帖百倍玉帶留山庵

恭和

御製題黃樓再疊蘇軾韻元韻

于敏中

黃樓舊蹟坡詩說九日登臨浩歌發至今厭勝聖士

黃曩者鑄辭磬石滑緬從河復迄讌落太守幾經泥  
汚鞮澶淵徙後八百年流遶彭城尙呀呷丙子水漲  
魚龍秋

詔遣重臣視搨鋪宣房築塞刻日成壁不藉沈牲不  
殺奔湍遂戡懸水村安堵殊湮泗州剝翁河

法從茲再蒞野遍耕犁戶機軋

俯馮城北長隄新甃石千尋控波壓剔鬢一一稟

睿謨沙刷中泓岸弗鬱雲龍山疊青髻螺鴈麥湖凝

綠頭鴨

載賡解阜風初薰檻外榮光騰煜燿

恭和

御製題黃樓再疊蘇軾韻元韻

程巖

登臨九日事爭說坡詩特向茲樓發太守躬親版築  
餘金隄乍就泥仍滑夜弄月明羽作衣朝書鷺絹材  
堪轍風流勝事忽千載只今惟見波呀呬呂洪轉作  
平鏡流野田競舉成雲鋪

熙朝澤國永安瀾未許天吳竊生殺往歲偏災荷

主恩氣機旋轉一塵刹隴麥青知炊餅香畝桑綠見  
鳴機軋井幹依舊俯堂皇屋瓦魚鱗氣闕壓

翠華再至相迎趨羅拜不顧岸沙齧但令亭有山人  
鶴未妨家惱比隣鳴

宸遊此日攬清景何似橫舟泛耶書

恭和

御製題黃樓再疊蘇軾韻元韻

劉星煒

丑歲

籌河集羣說越五年春

駕爰發崇譙屹見

寶墨鮮德水晴看清鏡滑緬懷坡公作重九絲管觥  
籌艷鞞鞞要憑觴詠志艱辛豈爲賓朋縱呀呷千年  
此地奉

宸遊醜別淮黃催畚鍤下澤欣逢稻蟹熟積雪況經  
螟螣殺迴憶疇曩懼巨浸豐歉轉圓真一剎依然山

色與河聲樹靄青  
蒼柔艣軋飛樓十丈  
建牙旗殷地  
歡闐闐闐壓自非

省歲厯宣防那得補  
偏無缺鬢綠隄柳色延

鳴騶載道香盆葵寶鳴  
登臨指顧撫全徐清遠何殊  
茗與霑

恭和

御製雨獵元韻

錢大昕

木蘭校獵何雄哉  
羽林萬騎如雲來  
批熊拉虎尋常

耳况乃鹿友與雉媒

六飛乘秋一葢止長楊上林何足擬乍覺雲頭冉冉  
迎有時雨脚垂垂起草柔沙軟彌可喜發縱只如臂  
使指周官大獮典所詳

王道由來無懈弛卽看一矢射天狼魚海洗兵兆庶  
此

恭和

御製安集延七首元韻

劉統勳

濛汜人瞻

天咫尺跪擎霜刃形模窄所寶用獻不計直鍊崑崙  
精非火迫質經淬礪工弗惜彎眉樣泛青蛇色玉具  
金環謝虛飾銛鋒熒熒光奔奔蒙

鑿葵心心自得

宸章題識永什襲番劍回刀同注釋

恭和

御製萬松寺元韻

劉星燁

盤中函賞在松石石勢偏仄松逾鮮縱生橫生各異  
狀滿坑滿谷無平田世尊與松結靜侶天龍御氣相  
鼓旋

登臨妙證苾芻義千億相好松能傳矧逢春景正妍  
妙碧焰欲奪桃李然

恭和

御製長城行元韻

雙慶

羣山蜿蜒高嵒鬼插天危棧長城開相傳乃是祖龍

築因山樹屏環巖隗道旁指點乍疑信百劫何處尋  
秦灰天風吹林散積靄關前車馬紛往來在德非險  
緬古昔斯語真足砭瘵駭我

朝峻德嶽同時衆志成城自堅疑

六飛避暑歲度此亭臯列戍奚庸是文閭歡洽聲盈  
耳重譯來庭順

朝旨當時絕域今封鄙

恭和

御製長城行元韻

于敏中

長城連連高且嵬時平月出關門開秦人築此矜制  
塞殘堵石落餘巋隗延袤萬里用地險黔首心逐時  
書灰水寒傷骨怨城窟牧馬不下鉏耰來藩籬外固  
竟何有峭函拱手噓童駮豈不見兩戒山河自流時  
睥睨緣山空復疑金湯在德寧賴此當時下策乃出  
是今視臨洮戶庭耳  
聲教遠訖咸喻

旨北漠西濛盡邊鄙

恭和

御製登四面雲山亭子作歌元韻

劉統勳

塞山蜿蜿起沓嶂突而銳者浮雲齊山亭孤聳翠屏  
際四圍巒壑紛高低橫峯側嶺祇移步朝夕攬結猶  
難稽盤盤一逕入窈窕

玉驄神駿臨雲蹊悠然太古起遐想昔時或有靈仙  
躋樓臺紺碧散巖岫煙霞絢爛開晴靄好山好亭不

知數或凌險磴憑深篔

王會圖中乃有此仙界眼前有景太白知難題

恭和

御製登四面雲山亭子作歌元韻

李中簡

崑崙一角閭風苑結構迴與星河齊千巖萬壑拱形  
勢敢以尋尺量高低丹梯接引籟雲轡鸞輪千轉無  
中稽青霞倒影作亭子月桂咫尺舉雲蹊雲山四面  
一覽盡瑣瑣未屑窮攀躋修眉萬疊新雨沐時見遠

岫歸晴霽仙樂鏗鉤殷碧落仙風縹緲吹青篔甍率  
之天九天上珠緯麗處

奎章題

恭和

御製登永佑寺舍利塔作歌元韻

劉綸

興桓古之北口北盤盤納鉢凌虛無

山莊闕剎鎖雙楔其上乃有穹塔縹緲懸仙都辨方

協紀厥位良史告吉卜，曠見足闕堪輿誣青羅

萬樹園名翠矗一峯錘影互離卽不數螺火浮玉鈴語

流南徐中央九級平安旁出入櫺拓

化工司契象外求形模佛說標身標口此標意印可  
五際皈三途我

皇省成隳括臚本末豐碑典重靈元扶朔昔肇營四  
衛拉特敏關至疆索泰濛戴極聚米同閩鄂兩年維  
部五年回部

勲大集及茲周甲事半功倍運掌如示諸載攢普寧

崇闕走重譯氣壓固爾札廟膜拜鎮彼墟矧復環以  
降番比屋爲交間看取行秋絕頂

王會開全圖

恭和

御製登永佑寺舍利塔作歌元韻

申甫

我峩舍利塔蓮華高湧凌虛無莊嚴金碧突兀衆峯  
外紛紛香光瑞靄照耀山水都我

皇具大願力大功德十年積累之久得寸得尺焉可

誣玲瓏已到合尖處

帝京景物自可觀其徐人天示現蓋亦有定數從此  
巍然宰堵次第符規模形家者流徒妄語詎知十方  
世界隨處皆津途

山莊游豫試登覽清秋爽氣風欄扶輿桓勝槩少礙  
脫太平景象盈郊郭窗迎旭彩正及雨初霽想見玉  
毫靜夜澄方諸層層妙諦拈出貝多語

璇題朗映星斗墟盡有佛法之國瞻禮環交閭永佑

萬年福祚垂經圖

恭和

御製晚晴元韻

于敏中

秋勝滲漉易爲潤餘暄益復宜  
山田旣雨晴佳晚尤  
重杜李詩乃兼有焉僧帽青螺忽湧現縷雲卷若天  
衣牽須臾錘峯斂虹腳鼎陽一照千山全巖禽刷羽  
下高樹渚蓮擎葢明前川嘉茲

茂對宣子墨

言泉如瀉珠璣懸日時陽若美利普

聖心勅恣惟體乾

恭和

御製遊金山寺四疊蘇軾韻元韻

尹繼善

長江東望水接天妙高臺畔似觀海坡翁去後已千  
年鴻爪依稀舊痕在殘碑高下卧陂陀磯頭斷續翻  
層波老僧不知塵世事惟言帆影往來多第一泉邊

巖

龍楫魚鳥何心皆向日却忘巖際野桃紅恍似金山  
壁亦赤酬和蘇詩頃刻間無待江頭片雲黑夜深那  
得炬火明空遺險句使人驚不有

聖言具卓識千古焉知非異物幾番遣興詠名山如  
留寶偈傲愚頑問俗省方事未已又趁微風度春水

恭和

御製寒山千尺雪三疊舊作韻元韻 尹繼謩

緬昔處士常居山宦光別墅開林泉泉流千尺冷於

雪懸空濺瀑難尋源山靈舊未得評賞

御題聽雪留真詮匡廬水簾可比似登臨到此忘塵  
緣問從何處豁乳竇但覺流注爲淙淵飛閣清虛半  
雲上跳珠噴玉瀾層巒琤琤非止足觀聽分膏遠引  
滋農田四時不斷飄六出號作寒山宜云然

聖人之歌如白雪與泉千載輝人間

恭和

御製焦山觀古鼎作歌再和沈德潛韻元韻

尹繼善

連山竹樹如雲屯，蜀僧衣鉢傳後昆。  
大江東去海門近，碧波無際浮乾坤。  
不知已閱幾人代，禪堂尙有周鼎存。  
塵土半侵形製古，兩耳對向三足蹲。  
由來勝地餘舊跡，豈獨好景清心魂。  
寶光近與佛燈映，周遭苔蘚饒斑痕。  
傳聞南仲紀恩錫，篆籀鐫勒垂銘言。  
自愧無才發吟咏，屢見但以手空捫我。

皇好古探源本，宛導積石窮崑崙往者。

巡方駐行蹕會題長句留沙門詎若九鼎沉泗上千  
年汨沒沙泥渾今春

翠華復南幸摩挲象物開祇園山花山鳥助清況和  
風好雨連朝昏興來

染翰疊前韻韓蘇石鼓何足論譬如觀海難爲水鼓  
翻瀛島相吐吞寓意於物亦偶爾歌成坐看洪流奔  
大鈞鼓橐含苞元球圖堪並陳

天闕

恭和

御製焦山觀古鼎作歌再和沈德潛韻元韻

錢汝誠

鯨波浸嶽黃雲屯中有象物轟轟昆邾鑄淪泗精冶  
失萬夫力莫撻曩坤何來突兀大逾斗薑文宛宛其  
腹存新城王氏薛趙侶訪古踟躕夜深人物  
不管頌松寥月出清心魂摩挲乍辨牛豕迹摹勒畧  
識蛟螭痕司徒南仲紀僉立世惠拜錫揚命言鑿旒

鑿勒字漫漶筆障趨趨驚難捫自鬲器祇別丁突瓌  
琳價自逾崑崙地維永鎮奠鼇極約束江漢趨海門  
魚龍波靜金景吐鳳鼎一氣含胚渾姬宣彝典久麗  
蝕灰劫笑此留毘圓傳聞奸相昔枋國欲以豪奪噬  
彼昏取部大鼎史且刺非賂非取以盜論獵罟任春  
尙聚列神物豈爲權雄吞巖阿至今峙清閼跳丸坐  
閱相馳奔緬緼騰上凌霄元

龍文其炳揚

丹閣